

## NË EMËR TË POPULLIT

Gjykata Themelore në Prizren – Departamenti i Përgjithshëm, gjyqtarja Teuta Krusha me pjesëmarrjen e sekretares juridike Myrvete Përdibuka procesmbajtëse, në çështjen penale kundër të akuzuarit A. M. nga R., për shkak të veprës penale rrezikimi i trafikut publik nga neni 378 par.6 lidhur me par.1 të KPK, sipas aktakuzës së Prokurorisë Themelore në Prizren – Departamenti i Përgjithshëm nën numrin PP/II.nr.335-6/2016 të datës 01.06.2016, pas mbajtjes së seancës fillestare në praninë e prokurorit të shtetit në Prizren Besim Susuri dhe të akuzuarit, me datë 24.05.2017 publikisht morri dhe shpalli këtë:

### A K T G J Y K I M

#### I akuzuari:

**A. M.** nga i ati O. dhe e ëma H. e lindur J., i lindur më datë *data e lindjes...* në R. ku edhe tani jeton rruga ... pa nr., ka të kryer shkollën e mesme, vozitës – instruktor, i martuar, baba i tre fëmijëve, me numër personal *numri personal...*, shqiptar, shtetas i Republikës së Kosovës, gjendjes së mesme ekonomike.

### ËSHTË FAJTOR

Me datë 08.01.2016 rreth orës 09:30 minuta, në Prizren në rrugën .... përball Q.T. “B.”, nga pakujdesia e rrezikon trafikun publik jetën e njerëzve dhe pasurinë si pjesëmarrës në komunikacion rrugor, duke e drejtuar automjetin e markës “VW Polo” me targa të regjistrimit *numri i targës...*, vepron në kundërshtim me nenin 49 dhe 54 të LSKRR, kur arrin në vendin kritik, shpejtësinë e lëvizjes nuk i përshtat kushteve dhe rrethanave në rrugë, vozit me shpejtësi të madhe, i cili dështon që ta ndal automjetin dhe pastaj me pjesën ballore të automjetit e godet pjesën e pasme, automjetin e markës “VW Transporter” me targa të regjistrimit *numri i targës ...* i cili është pronë e QKMF në Prizren, të cilën e drejtonte G. Sh., i cili në atë moment ishte ndalur në shiritin e djathtë për kyçje në udhëkryq, pasi që rruga ishte me tre shirita qarkullues në njërin drejtim, si pasojë e së cilës përveç dëmeve materiale në vetura lëndime trupore pëson i dëmtuari T. Sh. dhe atë: plagë shqyese – ndrydhëse në regjionin e pasme të kokës dhe ndrydhje të indeve të buta në regjioni e qafës, të cilat lëndime kanë karakterin e lëndimit të lehtë trupor me pasoja të përkohshme të shëndetit.

**Kësodore ka kryer veprën penale rrezikimi i trafikut publik nga neni 378 par.6 lidhur me par.1 të KPK.**

Gjykata në bazë të nenit 7, 41, 43, 46, 73 dhe nenit 378 par.6 lidhur me par.1 të KPK, të akuzuarit i shqipton dënimin dhe atë:

### DËNIM ME GJOBË

Në shumë prej 250 € (dyqind e pesëdhjetë euro), i cili dënim duhet të paguhet 15 (pesëmbëdhjetë) ditë pas plotfuqishmërisë së aktgjykimit. Nëse dënimi me gjobë nuk ekzekutohet në afatin ligjor i njëjti do të zëvendësohet me 13 (trembëdhjetë) ditë dënim burgu duke llogaritur për 20 € një ditë burg.

I dëmtuari T. (N.) Sh. nga Prizreni rruga ... nr..., për realizimin e kërkesës pasurore juridike udhëzohet në kontest të rregullt civil.

Obligohet i akuzuari që ta paguaj shpenzimet e procedurës penale sipas llogarisë së gjykatës dhe atë në emër të ekspertizës për ekspertin e komunikacionit shumen prej 40.88 €, në emër të shpenzimeve të ekspertit mjeko ligjore për ekspertizë shumen prej 20 €, si dhe në emër të paushallit gjyqësor të paguaj shumen prej 20 €, të gjitha këto në afat prej 15 ditësh nga dita e plotfuqishmërisë së këtij aktgjykimi nën kërcënim të ekzekutimit të dhunshëm.

## **A r s y e t i m**

Prokuroria Themelore në Prizren – Departamenti i përgjithshëm, ka parashtruar aktakuzë nën numrin PP/II.nr.335-6/2016 të datës 01.06.2016, kundër të akuzuarit A. M. nga R., për shkak të veprës penale rrezikimi i trafikut publik nga neni 378 par.6 lidhur me par.1 të KPK.

Gjykata në seancën fillestare në prezencën e palëve pasi që u lexua aktakuza nga ana e prokurorit të shtetit, i shpалosi dhe bëri prezantimin e të gjitha provave materiale në të cilat mbështetet aktakuza e parashtruar ndaj të akuzuarit. I akuzuari nuk e kundërshtoj provat materiale të cilat janë pjesë e shkresave të lëndës dhe pranoj fajësinë për veprën penale me të cilën ngarkohet.

Gjykata në shqyrtimin fillestar ka vërtetuar këtë gjendje faktike.

Ditën kritike me datë 08.01.2016 në ora 09:30 minuta, në Prizren në rrugën ... përball Q.T. “B.”, i akuzuari A. M. si pjesëmarrës në komunikacionin rrugor ka drejtuar automjetin e markës “VW Polo” me targa të regjistrimit *numri i targës ...*, shkel ligjin mbi trafikun publik, vepron në kundërshtim me nenin 49 dhe 54 të LSKRR, nga pakujdesia e rrezikon trafikun publik e vë në rrezik jetën e njerëzve dhe pasurinë, nuk përmbahet rregullave të komunikacionit, kur arrin në vendin kritik, shpejtësinë e lëvizjes nuk i përshtat kushteve dhe rrethanave në rrugë, vozit me shpejtësi të madhe, i cili dështon që ta ndal automjetin dhe pastaj me pjesën ballore të automjetit e godet në pjesën e pasme, automjetin e markës “VW Transporter” me targa të regjistrimit *numri i targës ...* i cili është pronë e QKMF në Prizren, të cilin e drejtonte G. Sh., i cili në atë moment ishte ndalur në shiritin e djathtë për kyçje në udhëkryq. Si pasojë e së cilës përveç dëmeve materiale në vetura lëndime trupore pëson i dëmtuari T. Sh. dhe atë: plagë shqyese – ndrydhëse në regjionin e pasme të kokës dhe ndrydhje të indeve të buta në regjionin e qafës, të cilat lëndime kanë karakterin e lëndimit të lehtë trupor me pasoja të përkohshme të shëndetit.

Gjykata para se të hap seancën fillestare bëri shikimin e shkresave të lëndës dhe analizën e provave materiale dhe atë: ekspertizën e ekspertit të komunikacionit Inxhinier B. K. të datës 01.06.2016, ekspertizën e ekspertit të mjeksisë ligjore Dr. N. U. të datës 03.05.2016, raportin mjeksësor i Spitalit Rajonal në Prizren – Qendrës Emergjente me numër të protokollit 174 të datës 08.01.2016, skicën e vendit të ngjarjes dhe foto dokumentacionin, me ç’rast është vërtetuar se provat janë marrë në pajtim me dispozitat e kodit të procedurës penale dhe aktakuzën e prokurorit të shtetit e bëjnë të qëndrueshme dhe e bazuar në ligj. Provat në fjalë me kohë janë parashtruar të akuzuarit me qëllim që të njëjtat të kundërshtoj dhe të parashtroj prova tjera të cilat do të shkojnë në favor të gjendjes faktike dhe mbrojtjes së tij. Mirëpo në seancën fillestare pas leximit të aktakuzës nga ana e prokurorit të shtetit i akuzuari deklaroj se ka kuptuar aktakuzën dhe nuk e

kundërshton provat në të cilat mbështete aktakuza dhe e pranon fajësinë për veprën penale rrezikimi i trafikut publik nga neni 378 par.6 lidhur me par.1 të KPK. Prandaj pasi që i akuzuari në seancën fillestare pranoi fajësisë dhe ky pranim është bërë pa kushtëzim dhe vullnetarisht, e cila mbështet në fakte dhe prova materiale, të cilat prova i akuzuari nuk i kundërshtoi, gjykata konsideroj se janë plotësuar kushtet ligjore nga neni 246 të KPPK dhe ka ardhur në përfundim se në veprimet e akuzuarit formohen të gjitha elementet e qenësore të veprës penale të përshkruar si në shqiptim të këtij aktgjykimi dhe për këtë ka vendosur që të akuzuarin ta shpalli fajtor dhe të gjykoj në bazë të ligjit, duke vërtetuar përgjegjësinë penale juridike të tij.

Gjatë marrjes së vendimit mbi dënimin gjykata i morri parasysh të gjitha rrethanat në kuptim të neni 73 të KPK, të cilët ndikojnë në llojin dhe lartësinë e dënimit, pasi që gjykata nuk ka gjetur asnjë rrethanë rënduese, ndërsa si rrethana lehtësuese për të akuzuarin morri parasysh faktin se ka pranuar fajësinë dhe ka tregu bashkëpunim me organet e drejtësisë, sjellja korrekte e akuzuarit gjatë zhvillimit të procedurës, pendimi për kryerjen e veprës penale, gjendja materiale dhe statusore është mbajtës i familjes, kjo është hera e parë që bie ndesh me ligjin, andaj bazuar në të gjitha këto gjykata i shqiptoi dënimin si në shqiptim të këtij aktgjykimi, duke menduar se dënimi i shqiptuar i përgjigjet shkallës së përgjegjësisë së tij dhe se me këtë do të arrihet qëllimi i dënimit që në të ardhmen të përmbahet nga veprimet e tilla, me bindje se është proporcionale me peshën e veprës penale, për të cilën i akuzuari është shpall fajtor.

Vendimi mbi udhëzimin e dëmtuarit në kontest të rregullt civil për realizimin e kërkesës pasurore juridike, gjykata e morri konform neni 463 par.1 e 2 të Kodit të Procedurës Penale të Republikës së Kosovës.

Vendimi mbi shpenzimet e procedurës penale është marrë në kuptim të neni 453 par.1 të Kodit të Procedurës Penale të Republikës së Kosovës.

Nga të cekurat më lartë u vendos si në shqiptim të këtij aktgjykimi.

**GJYKATA THEMELORE NË PRIZREN**  
**P.nr.1393/2016 të datës 24.05.2017**

**Procesmbajtësja**  
**Myrvete Përdibuka**

**Gjyqtarja**  
**Teuta Krusha**

**UDHËZIMI JURIDIK:** Kundër këtij aktgjykimi pala e pakënaqur ka të drejtë ankese në afat prej 15 (pesëmbëdhjetë) ditëve nga dita e pranimi, Gjykatës së Apelit në Prishtinë, nëpërmjet kësaj gjykate.